

宋
名
家
詞

蘆川詞

目錄

賀新郎

二調

滿江紅

一調

蘭陵王

二調

念奴嬌

六調

石州慢

二調

永遇樂

二調

八聲甘州

二調

水調歌頭

十四調

風流子

一調

魚遊春水

一調

寶鼎現

一調

祝英臺近

一調

朝中措 一調

蝶戀花 二調

沁園春 二調

臨江仙 四調

醉落魄 四調

南歌子 四調

卜算子 四調

浣溪沙 十五調

柳梢青 二調

醉花陰 二調

長相思 二調

如夢令 三調

春光好 二調

虞美人 一調

青玉案 七調

點絳脣 九調

虞美人

三調

漁家傲

三調

謁金門

三調

瑞鷓鴣

二調

好事近

四調

怨王孫

二調

喜遷鶯令

一調

鶴冲天

一調

喜遷鶯慢

一調

鷓鴣天

一調

憶秦娥

一調

明月逐人來

一調

小重山

一調

上西平

一調

春光好

二調

清平樂

二調

菩薩蠻

六調

樓上曲

二調

豈葉黃

三調

滿庭芳

四調

瑞鶴仙

二調

瑤臺第一層

一調

望海潮

二調

十月桃

二調

感皇恩

四調

夏雲峯

一調

千秋歲

一調

水龍吟

一調

南鄉子

一調

捲珠簾

一調

醉蓬萊

一調

隴頭泉

一調

天仙子

一調

鵲橋仙

一調

漁父家風

一調

生查子

一調

減字木蘭花

一調

眼兒媚

一調

昭君怨

一調

夜遊宮

一調

綵鸞歸令

一調

江神子

一調

西江月

一調

訴衷情

一調

採桑子

一調

菩薩蠻

二調

浣溪沙

一調

好事近

一調

南歌子

一調

醉花陰

一調

點絳脣

一調

花心動

一調

驀山溪

一調

踏莎行

一調

蘆川詞目錄

終

蘆川詞

宋 張元幹

賀新郎

送胡邦衡待制赴新州

夢繞神州路。悵秋風、連營畫角。故宮離黍底事，崑崙傾砥柱。九地黄流亂注，聚萬落千村狐兔。天意從來高難問，況人情、老易悲難訴。更南浦、送君去。涼生岸柳催殘暑。耿斜河、疎星淡月，斷雲微度。一作萬里江山知何處。回首對床夜

蘆川詞

及古詞

語雁不到書成誰與目盡青天懷今古肯兒曹
恩怨相爾汝舉大白聽金縷

又

寄李伯
紀丞相

曳杖危樓去斗坐天滄波萬頃月流煙渚掃盡
浮雲風不定未放扁舟夜渡宿雁落寒蘆深處
悵望關河空弔影正人間鼻息鳴鼉鼓誰伴我
醉中舞十年一夢揚州路倚高寒愁生故國
氣吞驕虜要斬樓蘭三尺劔遺恨琵琶舊語謾

暗澀銅華

澀一作拭

塵土。喚取謫仙平章看過。若溪

尚許坐綸否。風浩蕩欲飛

一作舉

滿江紅

自豫章阻風吳城山作。或作春草誤。或誤入片玉集

春水迷天。桃花浪幾番風惡。雲乍起。遠山遮盡

晚風還作綠。遍芳洲。生杜若。楚帆帶雨煙中落。

傍向來沙嘴。共停橈。傷飄泊。寒猶在。衾偏薄。

腸欲斷。愁難著。倚蓬窗。無寐引盃孤酌。寒食清

明都過。却最憐。輕負年時約。想小樓終日望歸

舟人如削

蘭陵王

春恨

卷珠箔朝雨輕陰乍閣關干外煙柳弄晴芳草
侵堦映紅藥東風妬花惡吹落梢頭嫩萼屏山
掩沉水倦熏中酒心情怕盃勺 尋思舊京洛
正年少疎狂歌笑迷著障泥油壁催梳掠曾馳
道同載上林攜手燈夜初過早共約又爭信漂
泊 寂寞念行樂甚粉淡衣襟音斷絃索瓊枝

璧月春如昨，悵別後華表，那回雙鶴。相息除是
向醉裏，慙忘却。

又

綺霞散空碧，留晴向晚東風裏。天氣困人時節，
鞦韆閉深院，簾旌翠波。貼窗影殘紅一線，春光
巧花臉。柳腰勾引芳菲，鬧鶯燕。閑愁費消遣。
想蛾綠輕暈，鸞鑑新怨。單衣欲試寒猶淺。羞衾
鳳空展。塞鴻難託誰問。潛寬舊帶，眼念人似天。

遠 迷戀画堂宴看最樂王孫濃豔爭勸蘭膏
寶篆春宵短擁檀板低唱玉盃重煥衆中先醉
謾倚檻早夢見

念奴嬌

江天雨霽正露荷擎翠風槐搖綠試問秦樓今
夜裏愁到闌干幾曲笑撚黃花重題紅葉無奈
歸期促算雲千里桂花初綻寒玉 有誰伴我
淒涼除非分付與盃中醺醖水本無情山又遠

回首煙波雲木夢繞西園魂飛南浦自古情難
足舊遊何處落霞空映孤鶩

又

丁卯上巳燕集葉尚書蕊
香堂賞海棠卽席賦之

蕊香深處逢上已生怕花飛紅雨萬點臙脂遮
翠袖誰識黃昏凝佇燒燭呈妝傳盃繞檻莫放
春歸去垂絲無語見人却似羞妒 修禊當時
今日群賢絃管裏英姿如許寶曆羅衣應未有
許多陽臺神女氣湧三山醉聽五鼓休更分今

古壺中天地大家著意留住

又

代洛濱次
石林韻

吳淞初冷記垂虹南望殘日西沉秋入青冥三
萬頃蟾影吞盡湖陰玉斧爲誰水輪如許宮闕
想寒深人間奇觀古今豪士悲吟 蒼弁丹頰
仙翁淮山風露底曾賦幽尋老去專城仍好客
時擁歌吹登臨坐揖龍江舉盃相屬桂子落波
心一聲猿嘯醉來虛籟千林

又

題徐明叔海
月吟笛圖

秋風萬里湛銀潢清影冰輪寒色八月靈槎
乘興去織女機邊爲客山擁雞林江澄鴨綠
四顧滄溟窄醉來橫吹數聲悲憤誰測飄蕩
貝闕珠宮群龍驚睡起馮夷波激雲氣蒼茫
吟歎處鼉吼鯨奔天黑回首當時蓬萊方丈
好箇埽消息而今圖畫謾教千甲傳得

又

寒綃素壁露華濃
群玉峯巒如洗明
鏡池開秋水淨冷
浸一天空翠荷芰
波生菰蒲風動驚
起魚龍戲山河影
裏十分光照人世
誰似老子癡頑胡
床欹坐自引壺觴
醉醉裏悲歌歌未
徹屋角烏飛星墜
對影三人停盃一
問誰解騎鯨意玉
京何處翠樓空鎖
十二

又

已卯中秋和
陳丈少卿韵

坐虹望極埽太虛
織翳明河翻雪一
碧天光波

萬頃湧出廣寒宮
闕好事浮家不辭百里俱載
如花頰琴高雙鯉
鼎來同醉孤絕浩蕩今夕
風煙人間天上別似尋常月
陶冶三高千古恨
賞我中秋清節
八十仙翁雅宜圖畫寫取橫江
檝平生奇觀夢回猶竦毛髮

石州慢

寒水依痕春意漸回
沙際煙闊溪梅晴照生香
冷蕊數枝爭發
天涯舊恨試看幾許消魂長亭

門外山重疊不盡眼中青是愁來時節 情切
畫樓深閉想見東風暗銷肌雪辜負枕前雲雨
樽前花月心期切處更有多少淒涼殷勤留與
歸時說到得再相逢恰經年離別

又

已酉秋吳
典舟中

雨急雲飛瞥然驚散算天涼月誰家疎柳低迷
幾點流螢明滅夜帆風駛滿湖煙水蒼茫菰蒲
零亂秋聲咽夢斷酒醒時倚危檣清絕 心折

長庚光怒群盜縱橫逆胡猖獗欲挽天河一洗
中原膏血兩宮何處塞垣祗隔長江唾壺空擊
悲歌缺萬里想龍沙泣孤臣吳越

永遇樂

宿鷗
盟軒

月仄金盆江縈羅帶涼颼天際摩詰丹青營丘
平遠一望窮千里白鷗盟在黃梁夢破投老此
心如水耿無眠披衣顧影乍聞遠堦絡緯百
年倦客三生習氣今古到頭誰是夜色蒼茫浮

雲滅沒舉世方熟寐誰人著眼放神八極逸想
寄塵寰外獨凭闌雞鳴日上海山霧起

又

爲洛濱
橫山作

飛觀橫空衆山繞甸江面相照曲檻披風虛簷
挂月據盡登臨要有時巾屨訪公良夜坐我半
天林杪攬浮丘飄飄衣袂相與似遊蓬島 主
人勝度文章英妙合住北扉西沼何事十年風
灑露沐不厭江山好曲屏端有吹簫人在同倚

算雲清曉瘳除了人間寵辱付之一笑

八聲甘州

陪筠翁小酌橫山閣

倚凌空飛觀展營丘臥軸恍移時漸微雲點綴
參橫斗轉野闊天垂草樹繁迴島嶼杳靄數峰
低共一樽明月顧影爲誰俛仰乾坤今古正
嫩涼生處濃露初霏據胡床殘夜唯我與公知
念老去風流未減見向來人物幾興衰身常健
何妨遊戲莫問棲遲

又

西湖有感
寄劉晞顏

記當年共飲醉画舫
搖碧骨花釵問蒼顏華髮
煙簑雨笠何事重來看盡人情物態冷眼只堪
咍賴有西湖在洗我塵埃
夜久波光山色間
淡粧濃抹水鑑雲開東湖頭
千丈江海兩崔嵬
曉涼生荷香撲面洒天邊
風露逼襟懷誰同賞
通宵無寐斜月低回

水調歌頭

同徐師川泛
太湖舟中作

落景下青嶂高浪卷滄洲平生頗慣江海掀舞
木蘭舟百二山河空壯底事中原塵漲喪亂幾
時休澤畔行吟處天地一沙鷗想元龍猶高
臥百尺樓臨風酹酒堪笑談話覓封侯老去英
雄不見惟與漁樵爲伴回首得無憂莫道三伏
熱便是五湖秋

又

和蘇林居士中秋

閏餘有何好一歲兩中秋滕王高閣曾醉月湧

大江流今夜釣龍臺上還是當時逢閨佳句記
英遊看山兼看月登閣復登樓 別離久今古
恨大刀頭老來常是清夢宛在舊神州遐想薌
林風味甕裏自傾春色不用貫貂裘笑我成何
事搔首謾私憂

又

陪福帥讌集口
占以授官奴

縹緲九重閣壯觀在人間涼飈乍起四圍晴黛
入闌干已過中秋時候便是菊花重九爲壽一

樽歡今古登高意玉帳正清閒
引三巴連五嶺控百蠻元成小隊舊遊曾記竝龍山閩嶠尤
寬南顧聞道天邊雨露持橐詔新頒且擁笙歌
醉廊廟更徐還

又

平日幾經過重到更留連黃塵烏帽覺來眼界
忽醒然坐見如雲秋稼莫問雞蟲得失鴻鵠下
翩翩四海九州大何地著飛仙
吸湖光吞蟾

影倚天圓胸中萬頃空曠清夜烟無眠要識世
間閒處自有樽前深趣且唱釣魚船調鼎他年
事妙手看烹鮮

又

雨斷翻驚浪山暝擁歸雲麥秋天氣聊泛征棹
泊江村不羨腰間金印却愛吾廬高枕無事閉
柴門搔首煙波上老去任乾坤 白綸巾玉麈
尾一盃春性靈陶冶我輩猶要箇中人莫變姓

名吳市且向漁樵爭席與世共浮沉自送飛鴻
去何用画麒麟

又

露下菱歌遠螢傍藕花流臨溪堂上望中依舊
柳邊洲晚暑冰肌沾汗新浴香綿撲粉湘簾月
華浮長記開朱戶不寐待歸舟恍重來思往
事攬離愁天涯何處未應容易此生休莫問吳
霜點鬢細與蠻牋封恨相見轉綉繆雲雨陽臺

夢河漢鵲橋秋

又

癸酉虎丘中秋

萬里冰輪滿千丈玉盤浮廣寒宮殿西望湖海
冷光流埽盡長空纖翳散亂疎林清影風露迫
人愁徐步行歌去危坐口眠休 問孤蓬緣底
事苦淹留倦遊回首向來雲臥兩星周此夜此
生長好明月明年何處歸興在南州老境一
儻父異縣四中秋

又

贈汪秀才

袖手看飛雪高臥過殘冬飄然底事春到先我
逐孤鴻挾取筆端風雨快寫胸中丘壑不肯下
樊籠大笑了今古乘興便西東一樽酒知何
處又相逢奴星結柳與君同送五家窮好是橘
封千戶正恐樓高百尺湖海有元龍目光在牛
背馬耳射東風

又

廬川詞

十二

汲古閣

今夕定何夕秋水滿東甌悲涼懷抱何事還倍
去年愁萬里碧空如洗寒浸十分明月簾捲玉
波流非是經年別一歲兩中秋坐中庭風露
下冷颼颼素娥無語相對樽酒且遲留琴罷不
堪幽怨遙想三山影外人倚夜深樓矯首望霄
漢雲海路悠悠

又

爲趙端
禮作

最樂賢王子今歲好中秋夜深珠履舉盃相屬

盡名流宿雨乍開銀漢洗出玉蟾秋色人在廣
寒遊浩蕩山河影偏照岳陽樓 露華濃君恩
重判扶頭霓旌星節已隨絲管下皇州滿座燭
光花豔笑罨烏巾同醉誰問負薪裘月轉簷牙
曉高枕更無憂

又
和追

舉手釣鰲客削迹種瓜侯重來吳會三伏行見
五湖秋耳畔風波搖蕩身外功名飄忽何路射

旄頭孤負男兒志，悵望故園愁。
夢中原，揮老淚，遍南州。
元龍湖海豪氣，百尺臥高樓。
短髮霜黏兩鬢，清夜益傾一雨，喜聽瓦鳴溝。
猶有壯心在，付與百川流。

又

放浪形骸外，顛顛山澤癯。
倒冠落佩，此心不待白髭鬚。
聊復脫身鷓鴣，未暇先尋水竹，矯首漢庭疎。
長夏啖丹荔，兩紀傲閑居。
忽風飄連雨

打向西湖藕花深處尚能同載翅生無聽子談
天舌本澆我書空胸次醉臥踏水壺畢竟凌煙
像何似輞川圖

又

丁丑春與鍾離少翁張元鑒登坐虹

拄策松江上舉酒酌三高此生飄蕩往來身世
兩徒勞長羨五湖煙艇好是秋風鱸膾笠澤久
蓬蒿想像英靈在千古傲雲濤俯滄波吞空
曠恍神交解衣盤礴政須一笑屬奇曹洗盡人

間塵土埽去胸中冰炭痛飲讀離騷縱有垂天翼何用釣連鰲

又

送呂居仁召
赴行在所

戎虜亂中夏星歷一周天干戈未定悲咤河洛
尚腥羶萬里兩宮無路政仰君王神武願數中
興年吾道尊洙泗何暇議伊川 呂公子三世
相在凌煙詩名獨步焉用兒輩更毛箋好去承
明讜論照映金狨帶穩恩與荔枝偏回首東山

路池閣醉雙蓮

風流子

政和間過延平雙
谿閣落成席上賦

飛觀插彫梁，憑虛起縹緲。五雲鄉對山滴翠嵐。
兩眉濃黛，水分雙派，滿眼波光曲闌外。汀煙輕
冉冉，莎草細茫茫。無數釣舟最宜煙雨，有如圖
畫，渾似瀟湘。使君行樂處，秦箏弄哀怨，雲鬢
分行心醉一釭春。色滿座凝香，有天涯倦客樽
前回首聽徹伊州惱。損柔腸不似碧潭雙劍猶

解相將

魚遊春水

芳洲生蘋芷宿雨收晴浮煥翠煙光如洗幾片
花飛點淚清鏡空餘白髮添新恨誰傳紅綾寄
溪漲岸痕浪吞沙尾老去情懷易醉十二闌
干慵遍倚雙鳧人慣風流功名萬里夢想濃粧
碧雲邊目斷孤帆夕陽裏何時送客更臨春水

寶鼎現

筠翁李似之作此詞見招因賦其事使歌之者想像風味如到山中

山莊圖畫錦囊吟詠胸中丘壑年少日如虹豪
氣吐鳳詞華渾忘却便袖手向巖前溪畔種滿
煙梢霧籜想別墅平泉當時草木風流如昨

瘦藤閑倚看鉏藥雙芒屨雨後常著目送處飛
鴻滅沒誰問蓬蒿爭燕雀乍霽月望松雲南渡
短艇歌沙夜泊正萬里青冥千林虛籟從渠繒
繳 攜幼尚有筠丁誰會得人生行樂岸幘綸
巾歸去深戶香迷翠幕恐未免上凌煙閣好在

秋天鶚念小山叢桂今宵狂客不勝盃勺

祝英臺近

枕霞紅釵燕墜花露帶雲髻粉淡香殘猶帶宿
醒睡画簷紅日三竿慵窺鸞鑑長是倚春風無
力 又經歲玉腕條脫輕鬆羞郎見顚顚何事
秋來容易又分袂可堪疎雨梧桐空堦絡緯背
人處偷彈珠淚

朝中措

次聽
父韵

花陰如坐木蘭船風露正娟娟翠蓋匝庭芳影
青蛟平地飛涎春撩狂興香迷痛飲中聖中
賢攜取一枝同夢從他五夜如年

蝶戀花

窗暗窗明昏又曉百歲光陰老去難重少四十
歸來猶賴早浮名浮利都經了時把青銅閒
自照華髮蒼顏一任傍人笑不會叅禪并學道
但知心下無煩惱

又

燕去鶯來春又到
花落花開幾度池
塘草歌舞筵中人
易老閉門打坐安
閑好
敗意常多如意少
著甚來由入鬧尋
煩惱千古是非渾
忘了
有時獨自掀髯笑

沁園春

紹興丁巳五月六夜夢與一道人對歌數曲遂成此詞

神水華池汞鉛凝
結虎龍往來問子
前午後陽銷陰長
自然爐鼎何用安
排靈寶玄門煙蘿
真

境三日庠生兌戶開泥丸透盡周天火候平步
仙堦蓬萊直上瑤臺看海變桑田飛算埃念
塵勞良苦流光易度明珠誰得白骨成堆位極
人臣功高今古總蹈危機吞禍胎爭知我辦青
鞵布襪雁蕩天台

又

欹枕深軒散帙虛堂畏景屢移漸披襟臨水搯
床就月蓮香拂面竹色侵衣壓玉爲醪折荷爲

蘆川詞

十八

汲古閣

酸臥看銀潢星四垂人歸後任飢蟬自嘯宿鳥
相依 癡兒莫蹈危機悟三十九年都盡非任
紆朱拖紫圍金珮玉青錢流地白璧如坻富貴
浮雲身名零露事事無心歸便歸秋風動正吳
松月冷尊長鱸肥

臨江仙

送王叔濟

玉立清標消晚暑胸中一段冰壺画舫歸去醉
歌珠微雲收未盡殘月炯如初 鴛鴦行間催

闊步秋來棄興鳧
趨煩君爲我問西湖
不知疎影畔
許我結茅無

又

茶縻
有感

鶯喚屏山驚睡起
嬌多須要郎扶
茶縻斗帳罷
熏爐翠穿珠
落索香泛玉流蘇
長記枕痕銷
醉色日高猶倦粧
梳一枝春瘦
想如初夢迷芳
草路望斷素鱗書

又

趙端禮重陽後一
日置酒坐上賦

十日籬邊猶袖手天教冷地藏香王孫風味最
難忘逃禪留坐客度曲出宮粧判却爲花今
夜醉大家且泛鵝黃人心休更問炎涼從渠簪
髮短還我引盃長

又

送宇文德和被
召赴行在所

露坐榕陰須痛飲從渠疊鼓頻催算山新月兩
裏徊離愁秋水遠醉眼曉帆開泛宅浮家遊
戲去流行坎止忘懷江邊鷗鷺莫相猜上林消

息好鴻雁已歸來

醉落魄

浮家泛宅舊遊記
雲溪縱跡此生已是天涯隔
投老誰知還作三吳客
故人怪我疎髯黑
醉來猶似丁年日光陰未肯成虛擲
蜀魄聲中著
處有春色

又

綠枝紅萼江南芳
信年年約竹輦路轉溪橋角

晴日烘香的爍疎籬落
玉臺粉面鉛花薄
畫堂長記深羅幕
惜花老去情猶著
客裏驚春生
怕東風惡

又

一枝冰萼鬢雲低
度橫波約醉扶
曾罨烏巾角
長是春來腸斷寶釵落
羅衣乍怯春風薄
夜深花困遮垂幙
不堪往事尋思著
休問尊前客
惡主人惡

又

雲鴻影落風吹小艇歌沙泊津亭古木濃陰合
一枕灘聲客睡何曾著天涯萬里情懷惡年
華垂暮猶離索佳人想見猜疑錯莫數歸期已
負當時約

南歌子

中秋

涼月今宵滿晴空萬里寬素娥應念老夫閑特
地中秋著意照人間香霧雲鬟溼清輝玉臂

寒休教凝佇向更闌飄下桂花開早大家看

又

遠樹留殘雪寒江照晚晴分明江上數峯青倚
檻舊愁新恨一時生春意來無際歸舟去有
程道人元自沒心情楚夢只因沈醉等閑成

又

玉露團寒菊秋風入敗荷繚牆南畔曲池渦天
迥遙岑倒影落層波月轉簷牙短更傳漏箭

多醉來歸去意如何只爲地偏心遠慣絃歌

又

桂魄芬餘暈檀香破紫心高鬟鬆綰鬢雲侵又被蘭膏香染色沈沈指印纖纖粉釵橫隱隱金更闌雲雨鳳帷深長是枕前不見帶人尋

卜算子

梅

的樂數枝斜冰雪縈餘態燭外尊前滿眼春風味年年在老去惜花深醉裏愁多睫冷蕊孤

芳底處愁少箇人人戴

又

涼氣入熏籠暗影歛花砌紫玉誰人三弄寒吹
斷江梅意花底溼春衣隔坐風輕遞却笑笙
簫緜嶺人明月偷垂淚

又

風露溼行雲沙水迷歸艇臥看明河月滿空斗
挂蒼山頂萬古只青天多事悲人境起舞聞

雞酒未醒潮落秋江冷

又

芳信看寒梢影入花光画玉立風前萬里春雪
豔江天夜誰折暗香來故把新笏瀉記得偃
人竝照時鬢亂斜枝惹

浣溪沙

曲室明牕燭吐光瓦爐灰煖炷瓢香夜闌茗椀
間飛觴坐穩蒲團憑斐几熏餘紙帳掩藜床

箇中風味更難忘

又

一枕秋風兩處涼
雨聲初歇漏聲長
池塘零落藕花香
歸夢等閑歸燕去
斷腸分付斷雲行
画屏今夜更思量

又

工仲時席
上賦木犀

翡翠釵頭綴玉蟲
秋蟾飄下廣寒宮
數枝金粟露華濃
花底清歌生皓齒
燭邊疎影映酥胸

惱人風味冷香中

又

武林送李似表

燕掠風檣款款飛豔桃穠李鬧長堤騎鯨人去
曉鶯啼可意湖山留我住斷腸煙水送君歸
三春不是別離時

又

雲氣吞江卷夕陽白頭波浪電飛忙奔雷驚雨
濺胡床玉節故人同壯觀錦囊公子更平章

榕陰歸夢十分涼

又

山繞平湖波撼城
湖光倒影浸山青
水晶樓下欲三更
霧柳暗時雲度月
露荷翻處水流螢
蕭蕭散髮到天明

又

目送歸舟鐵甕城
隔江想見蜀山青
風前團扇僕頻更
夢裏有時身化鶴
人間無數草爲螢

此時山月下樓明

又

薔薇水

月轉花枝清影疎
露華濃處滴真珠
天香遺恨
骨花鬚
沐出烏雲多態度
暈成蛾綠費工夫
歸時分付與粧梳

又

篤耨香

花氣天然百和芬
仙風吹過海中春
龍涎沈水
摠銷魂
清潤巧縈金
縷細氤氳偏傍玉肌溫

別來長是惜餘暝

又

范才元自釀色香玉如直與綠萼梅同調宛然京洛氣味也因名曰萼綠春且

作一首諺以竊

嘗爲吹笙云

萼綠華家萼綠春
山瓶何處下青雲
濃香氣味已醺人
竹葉傳盃驚老眼
松醪題賦倒綸巾
須防銀字暝朱唇

又

戲簡宇文德和求拈香

花氣蒸濃古鼎煙
水沉春透露華鮮
心清無暇

數龍涎 乞與病夫僧帳座不妨公子醉茵眠
普熏三界埽腥膻

又

求年例
貢餘香

花氣熏人百和香少陵佳句是仙方空教蜂蝶
爲花忙 和露摘來輕換骨傍懷聞處惱迴腸
去年時候入思量

又

殘臙晴寒出衆芳風流勾引破春光年年長爲

蘆川詞

二十六

汲古閣

此花忙 夜久莫教銀燭炮酒邊何似玉臺粧
冰肌溫處覓餘香

又

斐几明窗樂未央熏爐茗椀是家常客來長揖
對胡床 蟹眼湯深輕泛乳龍涎灰煥細烘香
爲君行草寫秋陽

又

書大同
驛壁

榕葉枕榔驛枕谿海風吹斷瘴雲低薄寒初覺

到征衣 歲晚可堪歸夢遠
愁深偏恨得書稀
荒庭日脚又坐西

柳梢青

海山浮碧細風絲
雨新愁如織
慵試春衫不禁
宿酒天涯寒食
歸期莫數芳辰
誤幾度回廊
夜色入戶飛花
隔簾雙燕有誰
知得

又

小樓南陌翠幘金勒
誰家春色
冷雨吹花
禁煙

怯柳傷心行客 少年百萬呼盧擁越女吳姬
共擲被底香濃樽前燭滅如今消得

醉花陰

紫樞澤笏趨龍尾平入鈞衡位春殿聽宣麻爭
喜登庸何似今番喜 崑臺宜有神仙裔奕世
貂蟬貴玉砌長蘭芽好擁笙歌長向花前醉

又

翠箔陰陰籠画閣昨夜東風惡芳徑滿香泥南

陌東郊惆悵妨行樂 傷春比似年時惡
潘鬢新來薄何處不禁愁雨滴花腮和淚
臙脂落

長相思令

香煖幃玉煖肌嬌臥
嗔人來睡遲印殘雙黛眉
蟲聲低漏聲稀
驚枕初醒燈暗時
夢人歸未歸

又

花下愁月下愁
花落月明人在樓
斷腸春復秋

蘆川詞

二十八

汲古閣

從他休任他休如今青鸞不自由看看天盡頭

如夢令

七夕

雨洗青冥風露雲外雙星初度乞巧夜樓空月
妬回廊私語凝佇凝佇不似去年情緒

又

潮退江南晚渡山閣水西煙雨天氣十分涼斷
送一年殘暑歸去歸去香霧曲屏深處

又

臥看西湖煙渚綠
葢紅粧無數簾捲曲欄風拂
面荷香吹雨歸去歸去笑損花邊鷗鷺

春光好

疎雨洗細風吹淡黃
時不分小亭芳草綠映簷
低樓下十二層梯日長影裏鶯啼倚遍闌干
看盡柳憶腰肢

又

吳綾窄藕絲重一鈎紅翠被眠時要人煥著懷
中六幅裙窄輕風見人遮盡行蹤正是踏青
天氣好憶弓弓

虞美人

開殘桃李春方到誰送東風早
惜藜幽徑踏餘花却對綠陰青子問年華
迢迢雲水橫清淺不遣愁眉展
數竿脩竹自橫斜猶有小窗朱戶似儂家

青玉案

燕趙端
禮堂成

華裾玉轡青絲鞵記年少金吾從花底朝回珠
翠擁曉鐘初斷宿醒猶帶綠鑠窗中夢天涯
相遇鞭鸞鳳老去堂成更情重月轉簷牙雲遶
棟涼吹香霧酒迷歌扇春筍傳盃送

又

再和

王孫陌上春風輕蕊珠宴雲軒從歸去笙歌常
醉擁蠟殘花炬月侵冰簟慣作涼堂夢玉人

勸客釵斜鳳條脫擎盃腕嫌重燕子入簾飛
畫棟雨餘深院漏催清夜更軋秦箏送

又

生朝

花王獨占春風遠看百卉芳菲遍五福長隨今
日宴粉光生豔寶香飄霧方響流蘇顛壽祺
堂上脩篁畔乳燕雙雙賀新院玉笋明年何處
勸旌幢滿路貂蟬宜面婦觀黃金殿

又

筠翁生朝

水芝香遠搖紅影泛瑞靄橫山頂縹緲笙歌雲
不定玉鈎斜挂素蟾初滿醉愜浮瓜冷庭蘭
戲彩傳金甌小袖青衫更輝映誰道筠溪歸計
近秋風催去鳳池難老長把中書印

又

生朝

銀潢露洗冰輪皎謫仙下蓬萊島簾捲橫山珠
翠繞生朝香霧玳筵絲管長醉壺天曉金鑿
夜鑲麻新草入輔明光拜元老看取明年人摠

道中興賢相太平時世分外風光好

又

月華冷沁花梢露芳意戀香肌住心字龍涎饒
濟楚素馨風味碎瓊流品別有天然處圍爐
屈曲宜深炷留取春光向朱戶綠綺聲中誰暗
許小窗歸去夢回猶記金鴨分雲縷

又

賀方回所作世間和韻者多矣余經行
松江何啻百回念欲下一轉語了無好
懷此來偶有得當與吾宗椿老子載酒
浩歌西湖南山間寫我滯息二公不可

不入
社也

平生百繞坐虹路看萬頃翻雲去山澹夕暉帆
影度菱歌風斷襪羅塵散總是關情處少年
陳迹今遲算走筆猶能醉詩句花底目成心暗
許舊家春事覺來客恨分付疎篷雨

點絳脣

丙寅秋社前一日
溪光亭大雨作

山暗秋雲暝鴉接翅啼榕樹故人何處一夜溪
亭雨夢入新涼只道消殘暑還知否燕將雛

去又是流年度

又

水驛凝霜夜帆風駛潮生曉酒醒寒悄枕底波
聲小 好去歸舟有箇人風調君行了此歡應
少索共梅花笑

又

春曉輕雷采蘋洲上清明雨亂雲遮樹暗澹江
村路 今夜歸舟綠潤紅香處遙山算画樓何

許喚取潮回去

又

画閣深圍煥紅光裏芳林影暗香成陣上下花
相映 倒挂疎枝月落參橫冷休裝景要人酒
醒除是花枝並

又

生朝

嵩洛雲煙間生真相耆英裔要知鮒背難老中
和氣 報道玉堂已草調元制華夷喜繡裳貂

珥便向東山起

又

皇洛濱釣
谿二老

清夜沈沈暗蛩啼處簷花落乍涼簾幙香遶屏
山角 堪恨歸鴻情似秋雲薄書難託儘教寂
莫忘了前時約

又

醉泛吳松小舟誰怕東風大舊時經過曾向垂
虹卧 月淡霜天今夜空清坐還知麼滿斟高

和只有君知我

又

減塑冠兒寶釵金縷雙綉結怎教寧帖眼兒惱
裏劣 韻底人人天與多磨折休分說放燈時
節閒了花和月

又

水鷁風帆兩睂只解相思皺悄然難受教我怎
唧啣 待得書來不管歸時瘦嬌癡後是事攔

就只這難依口

虞美人

廣寒蟾影開雲路目斷愁來處菊花輕泛玉盃
空醉後不知星斗亂西東今宵入夢陽臺雨
誰忍先歸去酒醒長是五更鐘休念舊遊吹帽
幾秋風

又

西郊追賞尋芳處聞道衝寒去雨肥紅綻向南

枝歲晚纔開應是恁春遲
天涯樂事王孫貴
花底還君醉有人風味勝疎梅
醉裏折花歸去
更傳盃

又

菊坡九日登高路往事知何處
陵遷谷變總成
空回首十年秋思吹臺東
西窗一夜蕭蕭雨
夢遶中原去覺來依舊
画樓鐘不道木樨香撼
海山風

漁家傲

題玄真子圖

釣笠披雲青障繞
檝頭雨細春江渺
白鳥飛來風滿棹
收綸了
漁童拍手樵青笑
明月太虛同一照
浮家泛宅忘昏曉
醉眼冷看城市鬧
煙

波老誰能惹得閑煩惱

茗溪漁隱云張仲宗有漁家傲詞余往歲在錢

塘與仲宗從游甚久仲宗手寫此詞相示云舊所作也其詞第二句元是檝頭雨細春江渺余謂仲宗曰檝頭雖是船名今以雨襯之語晦而病固爲改作綠簑雨細仲宗笑以爲然

又

樓外天寒山欲暮，溪邊雪靄藏雲樹。小艇風斜，
沙嘴露流年度。春光已向梅梢住。短夢今宵，
還到否。葦村四望知何處。客裏從來無意緒。催
歸去。故園正要鶯花主。

又

奉陪富公季
申探梅有作

寒食西郊湖畔路，天低野闊山無數。路轉岡斜，
花滿樹。絲吹雨。南枝占得春光住。藉草携壺，
花底去。花飛酒面香浮處。老手調羹當獨步。須

記取坐中都是芳菲侶

謁金門

或刻秦處度

鴛鴦渚春漲一江花雨別岸數聲初過櫓晚風
生碧樹艇子相呼相語載取暮愁歸去寒食
煙村芳草路愁來無著處

又

道山亭饒張
椿老赴行在

風露底石上岸巾愁起月到房心天似水亂峯
清影裏此去登瀛須記今夕道山同醉春殿

明年人共指玉皇香案吏

又送康伯楨

清光溢影轉画簷涼入風露一天星斗溼無雲
天更碧滿引送君何惜記取吾曹今夕目斷
秋江君到日潮來風正急

瑞鷓鴣

雛鶯初轉鬪尖新雙燕花嬌掌上身
揔解滿斟偏勸客多生俱是綺羅人
回波偷顧輕招拍

蘆川詞

三十七

汲古閣

方響低敲更合箏
豈蔻梢頭春欲透
情知巫峽待爲雲

又

彭德器出示胡邦衡新句次韵

白衣蒼狗變浮雲
千古功名一聚塵
好是悲歌將進酒
不妨同賦惜餘春
風光全似中原日
臭味要須我輩人
雨後飛花知底數
醉來贏得自由身

好事近

老去更思歸芳草正薰南陌上已又逢寒食歎
三年爲客吹花小雨溼鞦韆閒却好春色天
甚不憐人老早教人歸得

又

梅潤乍晴天簾捲畫堂風月珠翠共迷香霧是
長年時節瑤池清夜宴群仙鸞笙未吹徹西
母醉中微笑看蟠桃初結

又

春色到花房芳信一枝偏好勾引萬紅千翠爲
化工呈巧花姑玉貌笑東風今朝放春早看
取鬢邊幡勝永宜春難老

又

斗帳炷爐熏花露裊成薌澤縈透雪兒金縷醉
玉壺春色非煙非霧鑲窗中王孫倦遊客不
道粉牆南畔也有人聞得

怨王孫

小院春晝晴窗霞透著雨胭脂倚風翠袖芳意
惱亂人多煥金荷多情不分群葩後傷春瘦
淺黛眉尖秀紅潮醉臉半掩花底重門怨黃昏

又

紹興乙丑春二月既望季文中置酒溪
閣日暮雨過盡得雲煙變態如對管丘
著色山坐客有歌怨王孫者請予賦其
情抱葉子謙爲作三弄吹雲裂石旁若
無人永福前此所未見
也老子於此興復不淺

霽雨天迥平林煙暝燈閃沙汀水生釣艇樓外

柳暗誰家院
柳暗誰家院
柳暗誰家院
柳暗誰家院

小研魚牋信屏山半掩微醉獨倚闌干恨春寒

喜遷鶯令

送向晉之大著兄
趨新猷以備酒

文倚馬筆如椽桂殿蚤登仙舊遊冊府記當年
袞繡合貂蟬慶天申瞻玉座鸞鷲正陪班看
君穩步過花輓歸院引金蓮

鶴冲天

呈富樞密○向亦
作喜遷鶯令誤

雲葉亂月華光羅幕捲新涼玉醅初泛嫩鶯黃
花露滴秋香地行仙天上相風度世間人樣

懸知洗盞徑開嘗誰醉伴禪床

喜遷鶯慢

鹿鳴宴作

雁塔題名寶津盼宴盛事簪紳常說文物昭融
聖代搜羅千里爭趨丹闕元侯勸駕鄉老獻書
發軔龜前列山川秀園觀衆多無如閩越 豪
傑姓標紅紙帖報泥金喜信歸來俱捷騎馬蘆
鞭醉坐藍綬吹雪芳□□月素娥情厚桂花一
任郎君折須滿引南臺又是合沙時節

蘆川詞

四十

汲古閣

鷓鴣天

不怕微霜點玉肌恨無流水照冰姿與君著意
從頭看初見東南第一枝人散後雪晴時隴
頭春色寄來遲使君本是花前客莫怪殷勤爲
賦詩

憶秦娥

桃花萼雨肥紅綻東風惡東風惡長亭無寐短
書難託征衫辜負深閨約禁煙時候春羅薄

春羅薄多應消瘦可忺梳掠

明月逐人來

燈夕趙端
禮席上

花迷珠翠香飄羅綺簾旌外月華如水燠紅影
裏誰會王孫意最樂昇平景致長記宮中五
夜春風鼓吹遊仙夢輕寒半醉鳳幃未煖歸去
熏濃被更問陰晴天氣

小重山

誰向晴窗伴素馨蘭芽初秀發紫檀心國香幽

艷最情深歌白雪
祇少一張琴
新月冷光侵
醉時花近眼
莫頻斟
薛濤箋上楚妃吟
空凝睇
歸去夢中尋

上西平

一作金人
捧露盤

臥扁舟聞寒雨
數佳期
又還是輕誤
仙姿小樓
夢冷覺來應恨我
歸遲鬢雲鬆處
枕檀斜露泣
花枝
名與利空縈繫
添顛顛謾孤恁
得見了
說與教知
偎香倚煥
夜爐圍定
酒溫時
任他飛

雪洒江天莫下層梯

春光好

爲楊聰父侍
兒切鱸作

花恨雨柳嫌風客愁濃坐久霜刀飛碎雪一樽
同 勞煩玉指春蔥未放筯金盤已空更與箇
中尋尺素兩情通

又

寒食近踏青時畫堂西可是春來偏倦繡乍生
兒 香綿輕拂臙脂加文襟初試斑衣悄沒工

蘆川詞

四十二

汲古閣

夫存問我且憐伊

清平樂

亂山深處雪擁溪橋路
曉日乍明催客去
驚起玉鴉翻樹
翠衾香煖檀灰一枝
想見疎梅憑仗東風說
與画眉人共春回

又

明珠翠羽小綰同心縷
好去吳松江上路
寄與雙魚尺素
蘭橈飛取歸來愁眉
待得伊開相

見嫣然一笑眼波先入郎懷

菩薩蠻

天涯客裏秋容晚
妖紅聊戲
惻鄉眼
一朵醉深
粧羞渠照鬢霜
開時誰斷送
不待司花共有
脚號陽春芳
非屬主人

又

戲呈周介卿

拍堤綠漲桃花水
画舫穩泛
東風裏
絲雨溼苔
錢淺寒生禁煙
江山留不住
却載笙歌去
醉

倚玉搔頭幾曾知旅愁

又

三月晦送春有集坐中偶書

春來春去催人老老夫爭肯輸年少醉後少年
狂白髭殊未妨 插花還起舞管領風光處把
酒共留春莫教花笑人

又

雨餘翠袖瓊膚潤一枝想像傷春困老眼見花
時惜花心未衰 釀成誰與醉應把流蘇綬淚

沁枕囊香惱儂歸夢長

又

政和壬辰
東都作

黃鶯啼破紗窗曉
蘭缸一點窺人小
春淺錦屏寒
麝煤金博山
夢回無處覓
細雨梨花溼
正是踏青時
眼前偏少伊

又

甘林玉蘂生香霧
遊蜂爭採清晨露
芳意著人濃
微烘曲室中
春來瀛海外
沈水迎風碎
好

事付餘燠頻分幾縷雲

樓上曲

樓外夕陽明遠水樓中人倚東風裏何事有情
怨別離低鬟背立君應知東望雲山君去路
斷腸迢迢盡愁處明朝不忍見雲山從今休傍
曲闌干

又

清夜燈前花報喜心隨社燕涼風起雲路修成

寶月時東樓悵望君先期
沉瀟秋香生玉井
画檐深轉梧桐影看君西去侍明光
盃中丹桂
一枝芳

荳葉黃

唐腔也爲伯南賦早梅復和韻

冰溪疎影竹邊春翠岫天寒炯
算雲雪裏精神
澹佇人隔重門寶粟生香玉半溫

又

疎枝冷蘂忽驚春一點芳心入鬢雲
風韻情知

蘆川詞

四十五

汲古閣

似玉人笑迎門香燠紅爐酒未溫

又

見草堂別集

輕羅團扇掩微羞酒滿坡堦花滿頭小板齊聲
唱石州月如鈎一寸橫波入鬢流

滿庭芳

壽

梁苑春歸章街雪霽柳梢花萼初萌非煙非霧
新歲樂昇平京兆雍容報政金狨過九陌塵輕
朝回處青霄路穩黃色起天庭東風吹綠鬢

薄羅剪綵小綰流鶯比渭濱甲子尚父難兄滿
泛椒觴獻壽斑衣侍雲母分屏明年會雙衣對
引談笑秉鈞衡

又

壽富
樞密

韓國殊勛洛都西內名園甲第相連當年綠鬢
獨占地行仙文彩風流瑞世延朱履絲竹喧闐
人皆仰一門相業心許子孫賢 中興方慶會
再逢甲子重數天先問千齡誰比五福俱全此

蘆川詠

四十六

汲古閣

去沙隄步穩調金鴨七葉貂蟬香檀緩盃傳鸚
鵝新月正娟娟

又

爲趙西
宗外壽

玉葉聯芳天潢分潤壽筵長對薰風間平襟度
濮邸行尊崇忠孝家傳大雅無喜恨一種寬容
芝蘭盛綵衣嬉戲親睦冠西宗 絲綸膺重寄
遙防遷美本鎮恩隆應萱堂齊福誕月仍同花
藥香濃氣煥凝瑞露滿酌金鍾龍光近星飛驛

馬宣入嗣王封

又

三十年來雲游行化草屨踏破塵沙徧叅尊宿
曾記到京華衲子如麻似粟誰□笑瞿老拈花
經離亂青山盡處海角又天涯 今宵閑打睡
明朝粥鉢隨分僧家把木佛燒却除是丹霞撞
著門徒施主驀然箇喜捨由他廬陵米還知價
例毫髮更無差

瑞鶴仙

壽

倚格天峻閣舞庭槐陰轉盆榴紅爍香風泛簾
幙擁霞裾瓊珮真珠瓔珞華陽慶渥誕蘭房流
芳秀萼有赤繩繫足從來相問自然媒妁遊
戲人間榮貴道要元微水源清濁長生大樂彩
鸞韻鳳簫鶴對木公金母子孫三世婦姑爲壽
滿酌看千齡舉家飛昇玉京更樂

又壽

喜西園放鑰對燕寢香潤棠陰寒薄東風夜來
惡禁煙時天氣鶯啼花落新晴共約怕韶光容
易過却把銅壺緩泛金盃被袂嬉遊行樂 絃
索笙簧聲裏還記蘭房正垂羅幕初眠柳弱梅
如荳玉如琢向鳳皇池上鴛鴦影裏他年何啻
紫橐看流芳繼踵韋平盛傳鞏洛

瑤臺第一層

壽

寶曆祥開飛練上青冥萬里光石城形勝秦淮

風景威鳳來翔臘餘春色早兆釣璜賢佐興王
對熙旦正格天同德全魏分疆 煒煌五雲深
處化鈞獨運斗魁旁繡裳龍尾干官師表萬事
平章景鍾文瑞世醉尙方難老金漿慶垂裳看
雲屏間坐象笏堆床

又

江左風流鍾間氣洲分二水長鳳皇臺畔投懷
玉燕照社神光豈花初秀雨散暑空洗出秋涼

慶生旦正圓蟾呈瑞仙桂飘香 肝腸揆文摘
錦駕雲乘鶴下鷁行紫樞將命紫微如綉常近
君王舊山同梓里荷月旦久已平章九霞觴薦
刀圭丹餌袞繡朝裳

望海潮

癸卯冬爲建守趙
季西賦碧雲樓

蒼山煙澹寒谿風定玉簪羅帶綉繆輕霜算飛
青冥遠淨珠星璧月光浮城際涌層樓正翠簾
高卷綠瑣低鈎影落尊鼻氣和歌管共清遊

史君冠世風流擁香鬢凭檻霧鬢凝眸銀燭煥
宵花光照席譙門莫報更籌逸興醉無休賦探
梅芳信翻曲新謳想見疎枝冷蕊春意到沙洲

又

爲富樞密
生朝壽

麒麟圖畫貂蟬冠冕青羶自屬元勳綠野舊遊
平泉雅詠霞舒煙卷朝昏風月小陽春照玳筵
珠履公子王孫雪度崧高影橫伊水慶生申
早梅長醉芳樽況中興盛際有密宗臣琳館奉

祠金甌覆字和羹妙手還新光射紫微垣看五
雲朝斗千載逢辰開取八荒壽域一氣轉洪鈞

十月桃

年華催晚聽樽前偏唱衝煥欺寒樂府誰知分
付點化金丹中原舊遊何在頻入夢老眼空澗
撩人冷蕊渾似當時無語低鬟 有多情多病
文園向雪後尋春醉裏凭闌獨步群芳此花風
度天然羅浮淡粧素質呼翠鳳飛舞爛斑參橫

月落留恨醒來滿地香殘

又爲富樞密

蟠桃三熟正清霜吹冷愛日烘香小試芳菲時
候無限風光洛濱老人星見口少室雲物開祥
丹青萬彙熊兆崑臺鳳舉朝陽向元樞曾輔
岩廊記名著金甌位入中堂夢熟釣天屢驚顛
倒衣裳黃髮更宜補袞歸去定軍國平章筦絃
珠翠蘭玉簪纓歲歲稱觴

感皇恩

壽

綠髮照魁星平康爭看錦繡肝腸五千卷出逢
熙運蚤侍玉皇香案禁塗揚歷遍紆宸眷安
養老成十年蕭散天要中興相公健生朝開宴
長是通宵絃筦藕花香不斷南風遠

又

壽

年少太平時名園甲第談笑雍容萬鍾貴姚黃
重綻長對小春天氣綺羅叢裏慣今朝醉台

衮象賢元樞虛位壯歲青雲自曾致流霞麟脯
難老洛濱風味謝公須再爲蒼生起

又壽

荔子著花繁清微庭院賀厦雙飛画梁燕綺羅
叢裏百和爐煙祝願願從今日去身長健檀
板競催榕陰初轉舞袖風前翠翹顫明年開府
錫宴金鍾宣勸壽星朝北斗君王眷

又壽

豹尾引黃旛宣麻金殿雨露恩濃自天遣搢紳
交譽最樂至誠爲善信知宗姓喜君王眷寶
炬密香玉卮波灩醉擁笙歌夜深院西清班近
雅稱元戎同燕耍看茅王相貂蟬面

夏雲峯

丙寅六月
爲筠翁壽

湧水輪飛沆瀣霄漢萬里雲開南極瑞占象緯
壽應三台錦腸珠唾鍾間氣卓犖天才正暑有
祥光照社玉燕投懷新堂深處捧盃乍香泛

蘆川詞

五十二

汲古閣

水芝空翠風迴涼送豔歌緩舞醉墮瑤釵長生
難老都道是柏葉仙階笑傲且山中宰相平地
蓬萊

千秋歲

壽

相門出相和氣濃春釀傳家冠珮雲臺上龐眉
扶壽杖綠髮披仙斃星兩兩泰階已應昇平象
玉砌蘭芽長定向東風賞添綵袖褰羅幌絲
簧俱妙手珠翠爭宮樣江海量年年醉裏翻新

喝

水龍吟

周總領
生朝

水晶宮映長城藕花萬頃開浮藥紅粧翠蓋生
朝時候湖山搖曳珠露爭圓香風不斷普熏沈
水似瑤池侍女霞裾緩步壽煙光裏霖雨已
沾千里兆豐年十分和氣星郎綠鬢錦波春釀
碧筩宜醉荷葉還朝青瑣奕世除書將至看巢
龜戲葉蟠桃著子祝三千歲

蘆川詞

五十三

汲古閣

南鄉子

壽

山寺欄川圖霜葉雲林錦繡居壽年浮春珠翠
擁歡娛滿院流泉繞綺疏道氣自膚腴几席
輕塵一點無天要耆英修相業清都已泥書
降玉除

捲珠簾

壽

祥景飛光盈袞繡流慶崑臺自是神仙冑誰遣
陽和放春透化工重入丹青手雲璈錦瑟爭

爲壽玉帶金魚共願人長久
偷取蟠桃薦芳酒
更看南極星朝斗

醉蓬萊

壽

對小春桃豔曲室爐紅乍寒天氣七葉蓂開應
金章通貴夢草銀鈞燦花珠唾是素來風味滿
腹經綸回天議論崑臺仙裔 秘殿陞華紫樞
勛舊退步真祠簡心端宸迎日天元聽正衙宣
制盡洗中原徧爲霖雨宴後堂歌吹柏子千秋

蠶川詞

及古習

丹砂九轉今宵長醉

隴頭泉

少年時壯懷誰與重論
視文章真成小技要知
吾道稱尊秦公車治安
秘計樂油幕談笑從軍
百鎰黃金一雙白璧坐
看同輩上青雲事大謬
轉頭流落徒走出修門
三十載黃梁未熟滄海
揚塵念向來浩歌獨往
故園松菊猶存送飛鴻
五絃寓目望爽氣西山
忘言整頓乾坤廓清

宇宙男兒此志會須伸更有幾渭川垂釣投老
策竒勛天難問何妨袖手且作閒人

天仙子

三月十二日奉同蘇子陪富丈訪
筠翁於舊居遂爲杏花留飲懽甚

命賦長短句乃得天仙子

寫呈兩公未章併發一笑

樓外輕陰春澹佇數點杏梢寒食雨少年油壁
記尋芳梁苑路今何處千樹紅雲空夢去驚
見此花須折取明日滿城傳侍女情知醉裏惜
花深留春住聽鶯語一段風流天付與

蘆川詞

五十五

汲古閣

鵲橋仙

靚粧豔態嬌波流眄雙僂橫澗半笑樽前燭畔
粉生光更低唱新翻轉調花房結子冰枝清
瘦醉依香濃寒峭雛鶯新囀上林聲驚夢斷池
塘春草

漁父家風

八年不見荔枝紅腸斷故園東風枝露葉誰新
採悵望冷香濃冰透骨玉開容想筠籠今宵

歸夢滿頰天漿更御冷風

生查子

天生幾種香風味因花見旖旎透香肌髣髴飛
花片 雨潤惜餘薰煙斷猶相戀不似薄情人
濃淡分深淺

減字木蘭花

客亭小會可惜無歡容易醉歸去更闌細雨鳴
窗一夜寒 昏然獨坐舉世疎狂誰似我強撥

爐煙也道今宵是上元

眼兒媚

蕭蕭疎雨滴梧桐人在綺窗中
離愁遍遶天涯不盡却在眉峰
嬌波暗落相思淚流破臉邊
紅可憐瘦似一枝春柳不禁東風

昭君怨

春院深深鶯語花愁一簾煙雨禁火已銷魂更
黃昏 衾煖驕燈落地雨過重門深夜枕上百

般猜未歸來

夜遊宮

半吐寒梅未折雙魚洗冰澌初結戶外明簾風
任揭擁紅爐洒窗間惟稷雪 比去年時節這

心事有人忻說斗帳重熏鴛被疊酒微醺管燈

花今夜別

稷一作霰此
去一作此日

楊柳枝

席上次韵
曾穎王

深院今宵枕簟涼燭花光更籌何事促行觴惱

蘆川詞

五十一

汲古閣

剛腸老去一簑煙雨裏釣滄浪看君鳴鳳向
朝陽且腰黃

綵鸞端令

爲張子安
舞姬作

珠履爭圍小立春風趁拍低態閑不管樂催伊
整朱衣粉融香潤隨人勸玉困花嬌越樣宜
鳳城燈夜舊家時數他誰

江神子

夢中北去又南來飽風埃鬢華衰浮水飛蓬踪

跡爲誰催自笑自悲還自語一盃酒鼻如雷
曉興行處覺春回屑瓊瑰糝莓苔病眼衝寒欲
閉又還開水近人家籬落畔遙認得一枝梅

西江月

和蘇庭藻

小閣劣容老子北窗仍遞南風維摩丈室久空
空不與散花同夢且作太真遊戲未甘金粟
龍鍾怜君病後頰顴隆識取小兒戲弄

訴衷情

余兒時不知有荔子自呼爲紅蔬
父母賞其名新昔所未聞殊盡形

蘆川詞

五十八

汲古閣

似之美久欲記之而因循比與諸公和
長短句故天之以訴衷情蓋里中推星
毬紅鶴頂紅皆佳品
海舫便風數日可到

兒時初未識方紅學語問西東對客呼爲紅
此興已偏濃嗟白首抗塵容費牢籠星毬何
在鶴頂長丹誰寄南風

採桑子

奉和秦楚村
史君荔枝詞

華堂清暑榕陰重夢裏江寒火齊星繁與在冰
壺玉井闌風枝露葉誰新採欲飽防慳遺恨

空槃留取香紅滿地看

菩薩蠻

送友人
還富沙

山城何歲無風雨樓臺底事隨波去
歸棹望譙門沙痕炯斷雲
詩成空弔古想像經行處
陵谷有餘悲舉觴澆別離

又

微雲紅襯餘霞綺明星碧浸銀河水
欹枕回簷風愁生草際蛩
雁行離塞晚不道衡陽遠
歸

恨隔重山樓高莫凭闌

浣溪沙

詠木
香

睡起中庭月未蹉繁香隨影上輕羅多情肯放
一春過 比似雪時猶帶韻不如梅處却緣多
酒邊枕畔奈愁何

好事近

華燭烟離觴山吐四更寒月公子唾花枝玉盡
一時豪傑 三冬蘭若讀書燈想見太清絕紙

帳地爐香煥傲一窗風月

南歌子

玉斧修圓了水輪分外清
共看星向繡衣明
元是生朝爲壽對難兄
鴻雁翻秋影
塢篴和笑聲
他年中令綵衣榮
記取今宵丹荔醉瑤觥

醉花陰

詠木犀

紫菊紅萸開犯早
獨占秋光老
醞造一般清
比著芝蘭猶自爭多少
霜刀剪葉呈纖巧
手撚

迎人笑雲鬢一枝斜小閣幽窗是處都香了

點絳脣

小雨快晴坐來池上荷珠碎掉眉濃翠怎不教
人醉 美眇流觴白鷺窺秋水天然媚大家休
睡笑倚西風裏

花心動

七夕

水館風亭晚香濃一番芰荷新雨簾枕乍閑襟
裾初試散盡滿天祥暑斷雲却送輕雷去疎林

外玉鈞微吐夜漸永秋驚敗葉涼生庭戶天
上佳期久阻銀河畔仙車縹緲雲路舊怨未平
幽懽□駐恨入半天風露綺羅人散金猊冷醉
魂到華胥深處洞戶悄南樓画角自語

驀山溪

一番小雨陡覺添秋色桐葉下銀床又送箇淒
涼消息故鄉何處搔首對西風衣線斷帶圍寬
衰鬢添新白 錢塘江上冠蓋如雲積騎馬傍

朱門誰肯念塵埃墨客佳人信杳日暮碧雲深
樓獨倚鏡頻看此意無人識

踏莎行

別意
草堂別選

芳草平沙斜陽遠樹無情桃葉江頭渡醉來扶
上木蘭舟將愁不去將人去薄劣東風天斜
飛絮明朝重覓吹笙路碧雲香雨小樓空春光
已到銷魂處

仲宗別號蘆川居士三山人平生忠義自

矢不屑與奸佞同朝飄然桂冠紹興辛酉
胡澹閣上書乞斬秦檜被謫作賀新郎一
闋送之坐是與作詩王民瞻同除名茲集
以此詞壓卷其有微矣人稱其長於悲憤
及讀花菴草堂所選又極嫵秀之致真堪
與片玉白石並垂不朽凡用字多有出處
如洒窗間惟稷雪云八見七詩疏稷雪霰
也形如米粒能穿窗透瓦今本改作霰雪

又如薄劣東風天斜飛絮云云見白香山
詩錢塘蘇小：人道散天斜自注天音歪
時刻改作顛斜便無韵味姑記之以為妄
改古人字句之戒云古虞毛晉識

蘆川詞

終